



*Bosna i Hercegovina
Federacija Bosne i Hercegovine
KANTON SARAJEVO
GRAD SARAJEVO GRADSKO VIJEĆE
Odbor za dodjelu
„Šestoaprilske nagrade Grada Sarajeva“*

Na osnovu člana 4. Odluke o uslovima i načinu dodjele „Šestoaprilske nagrade Grada Sarajeva“ („Službene novine Kantona Sarajevo“ broj 28/19), Odbor za dodjelu „Šestoaprilske nagrade Grada Sarajeva“, upućuje

*JAVNI POZIV
O USLOVIMA I NAČINU PREDLAGANJA KANDIDATA ZA DODJELU
„ŠESTOAPRILSKE NAGRADE GRADA SARAJEVA“
U 2021. GODINI*

U povodu 6. aprila, Dana Grada Sarajeva, u Gradu Sarajevu, Gradskom vijeću Grada Sarajeva u toku su aktivnosti na pripremama za dodjelu „Šestoaprilske nagrade Grada Sarajeva“ u 2021. godini.

„Šestoaprilska nagrada Grada Sarajeva“ (u daljem tekstu: Nagrada) dodjeljuje se kao najviše društveno priznanje za značajna ostvarenja i značajne rezultate rada u oblastima:

- privrede,
- nauke i obrazovanja,
- kulture i umjetnosti,
- sporta,
- zdravstva i socijalne zaštite,
- drugim oblastima rada i stvaralaštva,

bez obzira na godinu ostvarenja, a koji doprinose ukupnom unapređenju, promociji i razvoju grada Sarajeva, kao glavnog grada Bosne i Hercegovine i Federacije Bosne i Hercegovine.

Pod značajnim ostvarenjima, u smislu ove Odluke, podrazumijevaju se djela ostvarena u kontinuitetu koja se ocjenjuju kao doprinos razvoju odgovarajuće oblasti, u skladu s kriterijima uobičajenim za konkretnu oblast, a koja doprinose ukupnom razvoju, odnosno promociji grada Sarajeva.

Nagrada se može dodijeliti pojedincu, grupi (okupljenim pojedincima na realizaciji određenih poslova s rezultatima koji se mogu razmatrati u kandidaturi za dodjelu Nagrade kao značajna ostvarenja, odnosno značajni rezultati rada), i kolektivu (privrednom društvu, ustanovi, udruženju i drugom pravnom subjektu s područja grada Sarajeva, kao i onom van područja grada Sarajeva, ako se njihova ostvarenja, odnosno rezultati rada odnose na grad Sarajevo). U jednoj godini može se dodijeliti najviše šest Nagrada, iz svake oblasti jedna, bez obzira da li se radi o pojedinačnoj, grupnoj ili kolektivnoj Nagradi. Nagrada se istom licu može dodijeliti samo jedanput.

Nagrada se ne može dodijeliti organima uprave svih nivoa vlasti u BiH, izabranim funkcionerima, poslanicima, vijećnicima svih nivoa vlasti u Bosni i Hercegovini i njihovim srodnicima za vrijeme trajanja njihovih mandata, kao ni zaposlenima u organima uprave svih nivoa vlasti u BiH za ostvarenja koja se odnose na djelovanje u okviru djelokruga posla koji vrše u organu uprave.

Nagrada se uručuje 6. aprila, na Svečanoj sjednici Gradskog vijeća Grada Sarajeva u povodu Dana Grada Sarajeva, a uručuje je Gradonačelnik Grada Sarajeva i Predsjedavajući Gradskog vijeća.

Pravo predlaganja kandidata za Nagradu imaju privredna društva, ustanove, udruženja građana, grupe od najmanje 200 građana i druga pravna lica, sa područja Sarajeva, s tim da nemaju pravo isticanja sopstvene kandidature za Nagradu. Pravo predlaganja kandidata za Nagradu ima i gradonačelnik Grada Sarajeva.

Prijedlog kandidata podnosi najviši kolektivni organ upravljanja, Skupština ili Upravni odbor odlukom tih organa o podnošenju prijedloga kandidata za Nagradu, uz obavezu dostavljanja odluke tog organa o podnošenju prijedloga kandidata za Nagradu, pismene saglasnosti kandidata da prihvata kandidaturu, te navođenja jasno definisane oblasti za koju se kandidat predlaže.

Prijedlog se dostavlja u tri primjerka, sa **obrazloženjem koje sadrži podatke o kandidatu, ukupan radni opus i posebne zasluge u oblasti zbog kojih se kandidat predlaže za Nagradu.**

Pozivaju se zainteresovani subjekti, da upute svoje prijedloge kandidata, **zaključno s ponedjeljkom 01.02.2021. godine, do 12. sati**, neposredno na protokol Gradskog vijeća Grada Sarajeva ili putem pošte na adresu:

*GRAD SARAJEVO GRADSKO VIJEĆE
ODBOR ZA DODJELU „ŠESTOAPRILSKE NAGRADE GRADA SARAJEVA“
Hamdije Kreševljakovića broj 3/I, Sarajevo*

Prijedlozi pristigli putem pošte nakon navedenog roka, neće se razmatrati.

Odluka o uslovima i načinu dodjele „Šestoaprilске nagrade Grada Sarajeva“ („Službene novine Kantona Sarajevo“ broj 28/19) postavljena je na službenoj stranici Gradskog vijeća <https://gradskovijece.sarajevo.ba/>.

Za sve dodatne informacije zainteresirani se mogu obratiti putem telefona 216 659 ili elektronskom poštom na adresu pisarnica@sarajevo.ba.

Predsjedavajući Odbora

Prof. dr. Velija Katica, s.r.